

## Láhka sámedikkis

Addojuvvon Helssegis suoidnemánu 17. beaivve 1995

Riikkabeivviid mearrádusa mielde ášahuvvo:

1 lohku

### Almmolaš njuolggadusat

1 §

#### Lága ulbmil

Dán lága mielde dorvvastuvvo sápmelaččaide álgoálbmogin iežaset gillii ja kultuvrii guoski kulturiešrádden sámiid ruovttuguovllus. Kulturiešráddemii gulli bargguid várás sápmelaččat válljejit válggaiguin iežaset gaskavuodas sámedikki. Sámediggi doaibmá vuoigatvuodaministeriija háldda-hussuorggis.

2 §

#### Stáhta rudalaš vástu

Stáhta bušehtas galgá várret mearreruda dán lágas oaivvilduvvon bargguide.

3 §

#### Sápmelaš

Sápmelažžan oaivvilduvvo dán lágas olmmoš, guhte atná iežas sápmelažžan, dainna eavttuin,

1) ahte son ieš dahje su váhnemiin dahje áhkuin dahje ádjáin unnimustá okta lea oahppan sáme giela vuosstas giellanis; dahje

2) ahte son lea dakkár olbmo maŋisboahhti,

guhte lea merkejuvvon duottar-, vuovde- dahje guolásteaddjisápmelažžan eana-, vearroguoddin-dahje heaggagirjjiis; dahje

3) ahte unnimustá okta su váhnemiin lea merkejuvvon dahje livččii sáhttán merkejuvvot jietnavuoigadahtton olmmožin Sámi parlamentta dahje sámedikki válggain.

4 §

#### Sámiid ruovttuguovlu

Sámiid ruovttuguovlun oaivvilduvvo Eanodaga, Anára ja Ohcejoga gielddaid viidodagat ja Soadegili gieldda Sámi bálgosa viidodat. Ášahusas dahje dan čuuvvosis almmustahttojuvvo kárta ruovttuguovllu rájáid birra.

2 lohku

### Sámedikki barggut

5 §

#### Almmolaš doaibmaváldi

Sámedikki bargun lea dikšut sápmelaččaid iežaset gillii ja kultuvrii ja sin sajádahkii álgoálbmogin guoski áššiid.

Bargguidas gulli áššiin sámediggi sáhttá dahkat eisseválddiide álgagiid ja evttohusaid ja addit árvalusaid. Dáin áššiin sámediggi geavaha dasa lassin mearridanválddi dan láhkai go dán lágas dahje

eará sájis lágas áсахuvvo.

6 §

*Sápmelaččaid ovddasteapmi*

Sámediggi ovddasta sápmelaččaid bargguidasas gulli áššiin našuvnnaš ja riikkaidgaskasaš okta-  
vuodain.

7 §

*Čilgehus*

Sámediggi ráhkada juohke jagi stáhtaráddái ráddehusa čilgehusa ráhkadeami várás čilgehusa das, mii fuopmášahti lea dáhpáhuvvon sápmelaččaide earenomážit guoski áššiid ovdáneamis.

8 §

*Mearrerudaidda juohkin*

Sámediggi šiehtá sápmelaččaid oktasá atnui čujuhuvvon ruđaid juohkimis.

Sámedikki šiehtamuššii 1 momeantta oavvildan áššis ii oáččo oheat nuppástusa váidimiin.

9 §

*Ráddádallangeatnegasvuotta*

Eisseválddit ráddádallet sámedikkiin buot viidát váikkuheaddji ja mearkkašahti doaimmaid birra, mat sáhttet njuolga ja earenomáš vugiin váikkuhit sápmelaččaid sajádahkii álgoálbmogin ja mat gusket sámiiid ruovttuguovllus:

- 1) servodatplánemii;
- 2) stáhtaetnama, suodjalanviidodagaid ja meahceguovlluid dikšumii, geavaheapmái, láigoheapmái ja luohpadeapmái;
- 3) lohpeohcamušaide, mat oavvildit roggansaji oažžuma ja ruvkebiire vuodđudeami;
- 4) sápmelaččaid kulturhápmai gulli ealáhusa lánhkamearrádušlaš dahje hálddahušlaš nuppástussii guoski ášši;
- 5) sámegeilat ja sámegeiela skuvlaoahpahusa ja sosial- ja dearvasvuodabálvalusaid ovddideapmái; dahje
- 6) eará vástideaddjilágan sápmelaččaid gillii, kultuvrii dahje sin sajádahkii álgoálbmogin váikkuheaddji ášši.

Ráddádallangeatnegasvuoda ollašuttima várás áššáigullevaš eisseváldi galgá várrat sámediggái vejolašvuoda cealkit oavvilis ja ráddádallat ášši birra. Jos vejolašvuotta guddojuvvon geavatkeahhtá, dat ii easte eisseválddi joatkimis ášši giedahallama.

3 lohku

**Doaibmabadjji, doaibmaorgánat ja doaibma**

10 §

*Čoahkkáibidju ja doaibmabadjji*

Sámediggi gullet 21 lahtu ja njeallje várrelahtu, geat välljejuvvojit sámedikki válggain njealle kaleandarjáhkái ain hávil. Sámedikkis galget leat unnimustá golbma lahtu ja okta várrelahtu sámiiid ruovttuguovllu guđege gielddas.

Stáhtaráddi mearrida sámedikki válggaid bohtosa vuodul sámedikki lahtuid ja várrelahtuid doaibma-seaset, mieđiha bivdagis earu doaimmas ja mearrida máinnašuvvon válggaid bohtosa vuodul odđa lahtu ja várrelahtu dan sadjai, guhte lea válggaáigodagas heaitán leames lahttu dahje várrelahttu.

Jos sámedikki lahttu dahje várrelahttu manaha 22 §:s oavvilduvvon válgadohkálašvuoda doaibmasis, stáhtaráddi galgá sámedikki álgaga vuodul gávnnahit, ahte su luohttámušdoaibma lea nohkan.

11 §

*Ságajodiheaddji*

Sámediggi vällje gaskavuodastis ságajodiheaddji ja guokte várréságajodiheaddji. Válljemis galgá dalán almmuhit vuoigatvuodaministerijai.

Ságajodiheaddji doaibma barggustis váldodoaibmasaččat.

12 §

*Čoahkkimiidda bovden*

Sámediggi šiehtá čoahkkimiiddis doallamis. Čoahkkima galgá dasa lassin bovdet čoahkkái, jos ságajodiheaddji dahje stivra atná dan dárbbášlažan dahje goalmátoassi lahtuin nu gáibida.

Jos sámiiid ruovttuguovllu gielddas välljejuvvon lahttu ii sáhte váldit oasi čoahkkimii, su sadjai galgá bovdet seammá gielddas välljejuvvon várr-

lahtu.

## 13 §

*Sámedikki stivra*

Sámediggi vällje gaskavuodastis stivrra ságajodiheaddji ja guokte várreságajodiheaddji ja eanemustá njeallje eará lahtu.

Stivra válbme áššiid sámedikki čoahkkimii ja ollašuhttá dikki siehttamusaid dan láhka go bargoortnegis lagabut mearriduvvo.

## 14 §

*Eará doaibmaorgánat*

Sámediggi ásaha válgalávdegotti 4 logus oaivvilduvvon válggaid várás. Diggi sáhtá ásahit maid dái eará doaibmaorgánaid sápmelaččaid kulturiešráddemii gulli áššiid dikšuma várás.

## 15 §

*Doaibmaválddi sirdin*

Sámedikki stivra ja eará doaibmaorgánat sáhttet geavahit diggái gulli doaibmaválddi dan láhka go dán lágas ásahuvvo dahje sámedikki bargoortnegis mearriduvvo.

Ovdalis 1 momeanttas máinnašuvvon doaibmaválddi sirdin ii leat lobálaš 7 §:s, 10 § 3 momeanttas, 11-14 §:s iige 40 §:s oaivvilduvvon áššiin.

## 16 §

*Doaimmahagat ja bargoveahka*

Sámedikkis leat doaimmahagat ja bargoveahka dan láhka go das ásahasas lagabut ásahuvvo.

## 17 §

*Mávssut ja buhtadusat*

Sámedikki lahtuide, eará luohttamušolbmuide, bargovehkii ja áššedovdiide máksojuvvojit bálkkašupmi, mátkegoluid buhtadus, beaiveruhta ja eará buhtadus dan láhka go sámedikki nannen máksojuolggadusas lagabut mearriduvvo.

## 18 §

*Áššemeannudeapmi*

Sámediggi lea siehttanválddálaš go ságajodiheaddji dahje goabbánu várreságajodiheaddjiin ja unnimustá bealli eará lahtuin leat čoahkis.

Sámedikki ja dan ásahan doaibmaorgána lahttu lea easttalaš váldit oasi dakkár siehttamusa dahkamii, mii guoská persovnnalaččat sutnje dahje su dakkár lagaš fuolkái, gii oaivvilduvvo hálddahušmeannudanlága (598/82) 10 § 2 momeanttas, dahje olbmui, gean máinnašuvvon momeantta mielde sáhtá buohtasdahttit dakkáražžii.

Áššit čovdojuvvojit sámedikkis enanlogušiehttamusa. Jos sierra oaivilat ožžot seammá ollu jienaid, de dalle deaddá ságajodiheaddji oaivil. Válggain boahttá välljejuvvo dat, guhte oažžu eanemus jienaid. Jos jienat ožžojuvvojit seammá olu, de dalle vuorbáduvvo.

## 4 lohku

**Sámedikki válggat**

## 19 §

*Válgajahki*

Sámedikki válggat doaimmahuvvojit juohke njealját jagi (*válgajahki*).

## 20 §

*Válgabiire ja válgalávdegoddi*

Sámedikki válggaid várás riika lea oktan válgabiiren.

Válggaid ollašuhttá 14 §:s oaivvilduvvon válgalávdegoddi dán lága ja válganjuolggadusa mielde.

Válgalávdegoddi gullet ságajodiheaddji ja njeallje eará lahtu, geain juohke ovttas lea persovnnalaš várrelahttu. Lávdegottis galgá leat lahttu ja várrelahttu sámiid ruovttuguovllu juohke gielddas. Lávdegoddi vällje gaskavuodastis várreságajodiheaddji.

Válgalávdegottis lea vuogatvuohhta váldit alcesčáli ja vuogatvuodaministerienija lobiin eará dárbbašlaš bargoveaga.

## 21 §

*Jienastanvuogiatvuohhta*

Sámedikki válggain lea ássanbáikái geahčakeht-tá jietnavuogidahtton juohkehaš ovdal válgajagi álggu 18 jagi deavdán sápmelaš, guhte lea Suoma riikkalahttu dahje geas olgoriikka álbmotlahtton leamaš ruovttugiella Suomas dan guovtte jagi áigge, mat leamaš dalán ovdal válgajagi.

## 22 §

*Válgadohkálašvuohhta*

Sámedikki válggain lea válgadohkálaš juohkehaš jietnavuogidahtton, guhte lea miehtan evttohassan ja guhte ii leat hovdenvuloš.

## 23 §

*Válgalogahallan*

Válgalávdegoddi ráhkada jietnavuogidahtton olbmui válgalogahallama ovddit Sámi parlamentta dahje sámedikki válggaid válgalogahallama ja olmmošdiehtortnega dieduid vuodul. Válgalogahallamii merkejuvvo jietnavuogidahtton olbmo namma, persovdnanummir ja čujuhus.

Válgalávdegoddi sáhtta iežas álgaga vuodul dievasmahttit válgalogahallama sámirádi Suoma juhkosa jagis 1962 dahkan olmmošdutkamuša dahje eará vástideaddji diedu vuodul.

Válgalogahallamii galgá bivdaga vuodul lasihit das váilu 3 § 1 momenanta 2 ja 3 čuoggás oavvilduvvon sápmelačča ja olgoriikka álbmotlahtton jietnavuogidahtton sápmelačča.

Válgalogahallamii merkejuvvon olbmo galgá sihkkut eret logahallamis iežas gáibádusas dahje go olmmoš lea jápmán.

## 24 §

*Almmuhangoarta*

Válgalávdegoddi ráhkada juohke ovttas válgalogahallamii váldojuvvon olbmos almmuhangoartta, mas oidnojit jietnavuogidahtton olbmos válgalogahallamii váldojuvvon ja válganjuolggadusas gáibiduvvon eará diedut.

Válgalávdegoddi sádde almmuhangoartta iešguhtet jietnavuogidahtton olbmui, gean čujuhus

lea diedus, áiggil ovdal go válgalogahallan biddjovuvvo oaidninláhkai.

## 25 §

*Válgalogahallama oaidninláhkai bidjan.*

Válgalávdegoddi bidjá válgalogahallama oaidninláhkai 14 beaivái sajiide, mat almmuhuvvojit válganjuolggadusas lagabut. Oaidninláhkaiáiggi nohkamis galgá leat válggaid doaimmaheapmái unnimustá njeallje mánotbaji. Válgalogahallama bidjamis oaidninláhkai galgá almmolaččat gulahit.

## 26 §

*Válgalogahallama njulgengáibádusa*

Guhte oavvilda, ahte son lea eahepuoiggalaččat guddojuvvon eret 23 §:s oavvilduvvon válgalogahallamis dahje ahte sutnje guoski merkejupmi válgalogahallamis lea boastut, sáhtta čálalaččat gáibidit válgalávdegottis njulgema 14 beaivve siste oaidninláhkaiáiggi nohkamis. Válgalávdegoddi galgá šiehtat áššis hohpolaččat.

Válgalávdegoddi šiehtamušii duhtameahtton olmmoš sáhtta bidjat njulgengáibádusa válganjuolggadusas ášahuvvon mearreaiggi siste sámedikki stivrra giedahallamii.

## 27 §

*Evttohasaid bidjan ja evttohaslogahallan*

Evttohasa bidjamis sámedikki válggaide ja evttohaslogahallamis mearriduvvo lagabut válganjuolggadusas.

## 28 §

*Válgadoaimmahus*

Sámedikki válggat doaimmahuvvojit poastta bokti čakčamánu vuosttas dievas vahku vuossárggas álgi njeallje vahku áigodagas. Válggaid doaimmaheamis galgá almmolaččat gulahit dan láhkai go válganjuolggadusas mearriduvvo.

Válgalávdegoddi galgá bidjat loahpalaš válgalogahallamiid ja evttohaslogahallamiid válggaid boddii oaidninláhkai dan láhkai go válganjuolggadusas mearriduvvo.

## 29 §

**Válgadoaimmahusa álggaheapmi ja váлгаáššebáhpárat**

Válgadoaimmahus álgá váлгаáššebáhpáriid sáddemiin jietnavuoigadahtton olbmuide. Áššebáhpárat doaimmahuvvojit poastta bokti čálihuuvvon sáhttan. Váлгаáššebáhpárat leat válgalávdegotti steampalastán jienastanlihppo, válgakonfaluhtta, sáddenreive, sáddenkonfaluhtta, evttohaslogahallan ja jienastanrávvagat.

## 30 §

*Jienasteapmi*

Jietnavuoigadahtton olmmoš sáhtta geavahit jietnavuoigatvuodas go lea ožžon váлгаáššebáhpáriid. Jienasteapmi lea dahkkon, go jietnavuoigadahtton olmmoš lea bidjan poastta fárrui čálihuuvvon sáddenkonfaluhtta, man sisa lea gokčojuvvon giddejuvvon válgakonfaluhtta, man siste lea jienastanlihppo, ja sáddenreivve, man son lea deavdán ja vuolláičállán. Jos jietnavuoigadahtton olmmoš bidjá fárrui almmuhangoarttas, son merke sáddenreiveis dušše vuolláičállosis.

## 31 §

*Váлгаáššebáhpáriid máhcaheapmi*

Poastta bokti sáddejuvvon 30 §:s oaivvilduvvon váлгаáššebáhpárat galget leat válgalávdegottis ovdal go jienaid rehkenastin álgá.

## 32 §

*Jienasteapmi dikšunlágádus ja ruovttus*

Olbmot, geat leat divššus lágádusas sámiiid ruovttuguovllus ja dat olbmot, geat leat divššus ruovttus ruovttuguovllus ja geat eai earrá láhkai sáhtášii jienastit almmá mearihis váttisvuodaid haga, ožžot jienastit dikšunbáikkisteaset.

Dikšunbáikkis jienasteami várás válgalávdegoddi mearrida guoskevaš gieldda válgalávdegottis ovdasteaddji lahtu ja várrelahtu válgadoaimmaolmmožin ja su várreolmmožin.

Dikšunbáikkis jienastettiin jienasteamis galgá leat jienasteaddji ja válgadoaimmaolmmo lassin fárus jienasteaddji váljen dahje dohkkehan sámedikki

válgalogahallamii merkejuvvon jietnavuoigadahtton olmmoš.

## 33 §

*Jienasteapmi olgoriikkain*

Jienasteapmái olgoriikkain heivehuvvojit 30 § njuolggadusat válganjuolggadusas lagabut mearriduvvon vuogi mielde.

## 34 §

*Jienaid rehkenastima álggaheapmi*

Válgalávdegoddi rehkenastigoahtá jienaid válgadoaimmahusa manjá boahtti vuossárgga diibmu 18 válganjuolggadusa mielde. Jienaid rehkenastima álggaheami manjá boahtán sáddenkonfaluhtat guddojuvvojit rabakeahtá ja vuhtiiválddekeahtá. Doaimmahusas dollojuvvo beavdegirji.

## 35 §

*Merkejuvvi válgalogahallamii*

Jienaid rehkenastin álggahuvo rahpamiin sáddenkonfaluhtat ja merkemiin buot jienastan olbmuid válgalogahallamii sáddenreivve mielde.

Jienasteami galgá guođit vuhtiiválddekeahtá:

- 1) jos jienastan olmmoš ii leat merkejuvvon válgalogahallamii jietnavuoigadahtton olmmožin dahje jos gávnnavuvvo, ahte son lea jápmán;
- 2) jos sáddenreive lea nu váilevaš, ahte ii boade čielgasit ovdan, gii olbmuid lea jienastan; dahje
- 3) jos válgakonfaluhtta lea rabas dahje dasa lea dahkkon jienasteaddjái dahje evttohassii guoski dahje eará áššehis merkejuvvi.

Mangelgo buot jienastan olbmot leat merkejuvvon válgalogahallamii ja jienasteamis vuhtiiválddekeahtá guddojuvvon válgakonfaluhtat sáddenreivviideaset siste leat sirrejuvvon dohkkehuuvvon válgakonfaluhtain, biddojuvvojit dohkkehuuvvon válgakonfaluhtat rabakeahtá válgaurdnii.

## 36 §

*Jienastanlihpuid juogadeapmi joavkkuide*

Go buot dohkkehuuvvon válgakonfaluhtat leat válgaurtnas, rahppojuvvo urdna ja válgakonfaluhtat. Jienaid rehkenastima várás jienastanlihpot juoga-

duvvojit joavkkuide nu, ahte guđege evttohasa buorrin addojuvvon jienat leat iežas joavkun. Fámohis jienastanlihpot sirrejuvvojit iežas joavkun. Guđege joavkku jienastanlihpuid mearri rehkenastojuvvo. Jienaid rehkenastimis dollojuvvo sierra beavdegirji.

## 37 §

*Jienastanlihpo fámohisvuohhta*

Jienastanlihppo lea fámoheapmi:

- 1) jos válgakonfaluhdas lea earáge go okta jienastanlihppo;
- 2) jos jienasteapmi lea guđđojuvvon vuhtiiválddekeahtá 35 §:s ášahuvvon ákkain;
- 3) jos jienastanlihpon lea geavahuvvon eará go válgalávdegotti prentehan steampalaston jienastanlihppo;
- 4) jos evttohasa nummir lea merkejuvvon nu, ahte ii čielgasit boade ovdan guđemužžii jietna lea oaivvilduvvon; ja
- 5) jos jienastanlihppui lea čállojuvvon jienasteaddji sámiid ruovttuguovllu guđege gielddas. Jos masnu dáin gielddain eai leat dán joavkkus golbma evttohasa, bohtet dán gieldda evttohasain válljejuvvo golbma eanemusat jienaid fidnen evttohasa.

Várrelahtun boahá válljejuvvo evttohas, guhte lea sámiid ruovttuguovllu guđege gielddas válljejuvvon boahán evttohasaid maŋŋá fidnen čuovvovaš eanemus jienaid.

Jos jietnamearit leat seammá stuorrát, čovdovuvvo daid gaskasaš ornet vuorbádeamiin.

## 38 §

*Válggaid bohtosa mearrašuvvan*

Sámedikki lahttun bohtet válljejuvvo 21 eanemusat jienaid fidnen evttohasa, dainna eavttuin, ahte sin joavkkus leat unnimustá golbma evttohasa sámiid ruovttuguovllu guđege gielddas. Jos masnu dáin gielddain eai leat dán joavkkus golbma evttohasa, bohtet dán gieldda evttohasain válljejuvvo golbma eanemusat jienaid fidnen evttohasa.

Várrelahtun boahá válljejuvvo evttohas, guhte lea sámiid ruovttuguovllu guđege gielddas válljejuvvon boahán evttohasaid maŋŋá fidnen čuovvovaš eanemus jienaid.

Jos jietnamearit leat seammá stuorrát, čovdovuvvo daid gaskasaš ornet vuorbádeamiin.

## 39 §

*Válggaid bohtosa nannen*

Válggaid bohtosa nanne válgalávdegoddi čoačkimisttis, mii dollojuvvo goalmmat beaivve jienaid

rehkenastima álggaheamis ja mii álgá diibmu 18.

Válggaid bohtosa galgá dalánaga almmuhit vuogátvuodaministerijai sámedikki lahtuid ja várrelahtuid mearrideami várás doaimmaidasaset čuovvovaš doaibmabadjái.

## 40 §

*Válggaid bohtosii guoski njulgenáibádus*

Jietnavuoigadahtton olmmoš, guhte oaivvilda, ahte válgalávdegotti šiehttamuš válggaid bohtosa nannemis dahje dasa laktáseaddji doaibma lea dán lága dahje válganjuolggadusa vuostá, sáhtá dahkat sámediggái njulgenáibádusa 14 beaivve siste das, go válgalávdegoddi lea nannen válggaid bohtosa.

Sámediggi galgá giedahallat njulgenáibádusa hohpolaččat ja manjimustá ovdal válgajagi nohkama.

Jos válgalávdegotti 1 momeanttas oaivvilduvvon šiehttamuš dahje doaibma leamaš dán lága dahje válganjuolggadusa vuostá ja dát lea váikkuhan válggaid bohtosii, válggaid bohtosa galgá njulget ja stáhtaráddi galgá dárbbu mielde mearridit sámedikki lahtuid ja várrelahtuid njulgejuvvon válggaid bohtosa mielde.

## 5 lohku

**Nuppástusohcan**

## 41 §

*Váidinvuoigarvuohhta*

Sámedikki stivrra ja lávdegotti dahje dikki ášahan eará doaibmaorgána šiehttamuššii oazžu ohat nuppástusa váidimiin sámediggái, jos dán lágas dahje eará sajis lágas ii nuppeláhkái ášahuvvo. Sámedikki šiehttamuššii oazžu ohat nuppástusa váidimiin alimus hálddahušiektái. Nuppástusaohcamii gusto, mii nuppástusohcamis hálddahuššiiin addojuvvon lágas (154/50) ášahuvvo.

## 6 lohku

**Sierranas njuolggadusat**

## 42 §

*Bargoveaga váldin*

Sámedikki váldá bargovehkii gullevaš virgeolbmuid ja bargiid. Virgeolbmuin lea heivvolaš osiin fámus, mii stáhta virgeolmmošlágas (750/94) ášahuvvo.

## 43 §

*Lagat njuolggadusat ja mearrádusat*

Lagat njuolggadusat dán lága heiveheamis addojuvvojit ášahusain.

Lagat mearrádusat sámedikki válggain addojuvvojit válganjuolggadusas ja sámedikki doaimmas sámedikki bargoortnegis. Válganjuolggadusa nanne vuoigatvuodaministeriija ja bargoortnega sámediggi.

## 44 §

*Fápmuiboahhtin*

Dát láhka boahhtá fápmui ođđajagemánu 1. beaivve 1996.

Ovdal lága fápmuiboahhtima sáhtta álgit dan olla

Helssegis suoidnemánu 17. beaivve 1995

šuhhtima gáibidan doaimmaide.

## 45 §

*Sirdanjuolggadusat*

Go dát láhka lea boahhtán fápmui, stáhtaráddi mearrida Sámi parlamentta lahtuid sámedikki lahttun dassáži go Sámi parlamentta doaibmabadiji nohká ja dievasmahtá sámedikki čoahkkáibiju máinnašuvvon mearraigái dakkárin, go dán lágas ášahuvvo, mearridemiin Sámi parlamentta válgalávdegotti vuoigatvuodaministeriijai dahkan almmuhusa vuodul ja manjmuš doaimmahuvvon Sámi parlamentta válggaid bohtosa vuodul dárbblaš lasselahtuid ja várrelahtuid doaimmaidasaset. Stáhtarádi mearrádusa addima rádjái Sámi parlamentta dikšu almmá sierra mearrádusa haga sámediggái dán lágas ášahuvvon barggaid.

Sámediggi sirdá lága fápmuiboahdettiin Sámi parlamentta virgeolbmuid sámedikki vástideaddji virggiide almmá ahte almmuha virggiid rabasin, jos áššáigullevaš virgeolbmuin lea dohkálašvuotta virggiide.

**Dásseválddi Presideanta**

**MARTTI AHTISAARI**

Vuoigatvuodaministar Sauli Niinistö